

Surselva ed Engiadina contan ensemen

Curdin Lansel e Rest G. Tuor realiseschan in project communabel cun lur chors

■ **(anr/abc) Igl onn 2018 sa il Chor Surselva festivar siu 35avel anniversari. Era sch' il diember da cantadurs ei se-reducius el decours diis onns dueten 35 cantaduras e cantadurs far part dil proxim project.** Chor Surselva e Cor Proget 18 fan in project communabel: Quet han ils dus dirigents *Rest Giuseppe Tuor* e *Curdin Lansel* decidu cun lur chors. L'jamna vargada ha la radunonza generala dil Chor Surselva priu il conclus definitiv a realizar il project cul chor dall'Engiadina. Ei s'extracta d'in chor-mischedau regional che secumpona da cantaduras e cantadurs dalla Val Müstair e l'entira Engiadina. Il 1993, il medem onn che Rest Giuseppe Tuor ha surpriu da *Claudio Simonet* la direzzion dil Chor Surselva, ha Curdin Lansel fundau il Cor Proget. Igl emprem «Proget 94» ha el realisau ils 1994 cun musica da Vivaldi, Pergolesi, culla solista *Ruth Soland* ed in ensemble d'artgists. El decours diis onns ha Coro Proget presentau concerts cun musica da gospels e cant da Nadal (2015). In project ei staus ina serenada cun canzuns a capella sut tischiel aviert, lu ha el dau in program cun operas (2003), lu messas grondas da Mozart (2005) e Schubert, Carmina Burana da Carl Orff (2008) ed il 2013 «Die Jahreszeiten» da Joseph Haydn.

Quater concerts il november 2018

«Las stagiuns» ha era il Chor Surselva cantau, e quei cun text romontsch dad *Ursicin G. G. Derungs*. Il chor sursilvan sa festivar igl onn vegnent ses 35 onns e

la finamira da Tuor eis ei da concertar cun 35 cantaduras e cantadurs. Il project digl onn da cant 2016/17 ei ius a fin ils 19 e 20 da mag 2017 cul concert cun ovras da Rossini e Sialm. Dacuort ha la radunonza generala tedlau il rapport annual dalla presidenta *Renata Gienal*. Ella ha menziunau ils puncts culminants, lu era ch'il chor ha cantau messa ils 23 d'october 2016 ella baselgia parochiala da Glion. Pliras occurrenzas sper il cant, denter auter la participaziun allas fieras

da Daniev a Glion e Lumnezia sco era il lotto, ein stadas caschuns per mussar preschientscha e render attent.

Rest Giuseppe Tuor ei dapi 25 onns fideivel dirigent dil Chor Surselva. Siu 26avel onn da cant ha entschiet culla radunonza generala 2017. A quella ha el presentau il project niev, e quel ei cum-binaus cul project interromontsch. Ils dus chors preparan in program da concert cun ovras romanticas a capella per chor dubel e chor en 4–8 vuschs. Era pèr-

las rumantschas, cun canzuns a capella en quater vuschs, s'audan tier. Planisai ein quater concerts, ils 10 ed 11 da november 2018 ell'Engiadina ed ils 17 e 18 da november 2018 en Surselva.

Da Mendelssohn tier Casanova

Per saver exercitar da cuminonza han ils dirigents, en concordanza cullas supra-stonzas, planisau duas fins d'jamna da cant intensivas. Inagada van ils Sursilvans anen, l'autra gada vegnan ils Ladins

anora. «Nus lein era haver la pusseivladad da s'inscurtar», gi Tuor. La participaziun alla fiasta da cant cantunala – ils 8 tochen ils 10 da zercladur 2018 a Chiavenna – ei ina part dil project communabel. Ils dus dirigents s'enconuschan dapi il temps dil seminar scolastic a Cuera ed era tiels dus chors dat ei pliras cumineivladads. Pil project communabel han Lansel e Tuor eligitu in program «romantico» cun ovras da Mendelssohn, Rheinberger, Bruckner e dils Romontschs Robert Cantieni, Benederg Dolf, Jon Vonmoos, Gion Antoni Derungs e *Gion Balzer Casanova*. La vocalitad duet esser el center, pia dat ei negin accompagnament d'instruments. Ils 28 da schaner 2018 vul il dirigent sursilvan entschiver ils exercizis cun 35 cantaduras e cantadurs – conform als 35 onns d'existenza. Tuor e la presidenta Renata Gienal ein optimists che quei gartegi. Sco gia tiels davos ha *Marlies Vincenz* surpriu l'incumbensa da menar ed organisar quei project. «Jeu selegrel da saver preparar quei bellezia program. Medemamein selegrel jeu fetg sil-las experientschas e la collaboraziun cul chor dall'Engiadina», gi Rest G. Tuor. Il project dilus dus chors romontschs vegn en scadin cass a rinforzar ils ligioms sur ils cuolms grischuns.

Interessentas ed interessents da quei project dueten buca targlinar e s'annunziar. Las emprovas entschivevan denton pèr igl onn niev. Tut las informaziuns necessarias cul plan d'emprova ed il formular d'annunzia retscheiv'ins cun tar-metter in mail al dirigent.

Sia adressa: rest@kns.ch, ni era telefonar 079 692 85 38.



Investa ellas retschas dil Chor Surselva. Il chor da project entscheiva in program cul Cor Proget 18 dall'Engiadina e Val Müstair.

MAD